

船山師友記




瞿忠宣式耜

瞿式耜字在田號稼軒直隸常熟人萬曆丙辰進士歷官吏部給事中崇禎中會推閣員禮部尙書溫體仁資序最深顧與沈一貫主張時局式耜建議斥不與會推列體仁上疏自訟因訐錢謙益浙闈事不當與枚卜而部科黨之上召赴平臺面詰式耜抗言浙闈事坐分攷體仁愠不與枚卜羅織自薦猾而無恥上不憚會給事中郝士膏奏對失體上遂震怒械式耜土膏下法司皆削職體仁遂入閣式耜既罷歸里築室虞山下曰東臬

船山師友記卷三

一

蒔花藥讀書其中宏光初稍起應天府丞已擢僉都御史巡撫廣西南都陷思文皇帝立於閩靖江庶人使人說式耜推戴式耜怒折之庶人械式耜欲加害式耜稱大義諷令解兵賊眾意沮既免遂與丁魁楚會擒庶人斬之事聞加兵部侍郎已而思文帝陷於順昌唐王聿錡稱尊號式耜下肇慶謂魁楚曰永明王神宗皇帝孫宜立久矣向者鄭鴻逵擁立非次致天下坐潰今僅南方一隅猶使非分者因仍覆軌恢復不復問卽欲延大明一綫謝高皇帝於山陵不可得已魁楚避之乃迎王於寓邸願思文皇帝敗問踐祚於肇慶晉式耜吏部尙書文淵閣大學士式耜請召用舊臣並薦用一時人望魁楚挾私結大璫王坤



撓不聽已而廣州破唐王見殺王坤蠱上西遷式耜請徵兵固守不聽扈上居桂林朝治官始有章度王坤益欲挾上入楚會上召劉承允東援平梧承允至遽欲邀上幸武岡式耜奏言駕不幸楚楚師得以展布茲乃半年之內三四播遷民心兵心狐疑局促誠不知皇上何以爲國也疏入不省入見跪曳上裾涕泣請留承允結馬吉翔趣上行甚迫遂詔加式耜太子少保留守廣西上遂入武岡式耜獨守孤城者兩月已而楚督之師潰於長沙式耜遣焦璉北會騰蛟攻復永州騰蛟以是復下湖南時上播遷柳象陳邦傅迎居南甯挾上驕橫式耜檄之下梧州不應乃遣焦璉自平樂略梧州會李成棟反正梧州平粵西

大定成棟迎上東巡式耜表迎上返蹕桂林言今日大勢在楚楚師不下三十餘萬鎮將四十餘營號令莫一非天子彈壓則進無寸功而退有百患上莫如幸桂林爲出楚計北圖岳鄂東援南昌西收荆澧事猶可爲若遠卽海滋而舉江楚大計一委之騰蛟孤注之憂不能不爲之慮也疏入上猶豫閒內閣王化澄朱天麟貪成棟饋問謂東粵安而西粵危且收新圻者之心上遂下肇慶居半載楚將果內訌騰蛟死湖南復陷其明年庾關不守上將西奔式耜奏請固守肇慶不聽上遂至梧州始上在肇慶時式耜請開日講遠侯幸清銓政肅軍紀王化清馬吉翔撓之金堡自沅州詣行在入對墮在廷姦狀吉翔疑堡黨式

耜益相怨至是開北鎮撫獄掠治堡急式耜抗疏爭不聽胡欽
華挾孫可望恫喝當露章劾式耜王化澄思因排陷之乃與
萬翔比推于元煜督師奪式耜兵柄孔有德兵至式耜召諸將
城守無應者乃沐浴易衣坐署中通山王蘊紆馳入告曰先生
受命督師全軍未虧且入柳爲恢復計式耜不應蘊紆涕泣曳
其裾固請式耜從容應曰留守吾初命也吾此心安者死耳逃
死而以捲土爲之辭我固不能也俄而張同敞至因噀酒飲與
分韻唱和悲吟徹旦被執見孔有德請速死有德知不可屈乃
加害桂林二十年不見雪矣是日雪霰大作雷電交擊吳江楊
私醫士也拾式耜同儁骸葬之桂林城北

永愿實錄本傳

船山師友記卷二

三

行述云祖棄世府君營葬嶽後旦夕悲號膺難西走時前大
學士瞿公式耜留守桂林疏薦之府君疏乞終喪得旨云具
見孝思足徵恬品著服闋另議

乞終喪免閣試疏云前督臣堵允錫薦臣得以終制覆允不
謂留守輔臣瞿式耜爲汪郊等請閣試復以臣名廁於其後
也臣本以不孝通天之罪偷翰飛曷穀之生不特麤苴之衣
屨不忍輒越典章而且不祥之姓名未敢妄干知已卽今被
虜踰躑萍寄昭江者踰月輔臣駐桂相去帶水雖輔臣下士
之名溢於聽睹而掩涕孤栖不敢以凶人辱仙舟之下座不
知輔臣何所誤聽或未熟識臣之爲丁憂或謂在大祥之後

可矣春明之期乃臣不但冒服制以就試干聖代匿喪之辟
卽俟服闋以須試亦犯春秋居約之誅此臣所以聞命倉皇
屏息而不甯者也

後註永歷三年十二月奉旨王夫之奏請
終喪乞免闋試足見孝思更微恬品著服

闕另與議攷
該部知道

南窗漫記云太傅瞿公築別館於桂林東岸宮詹張公題春
帖云當階古樹思堯窆隔岸江山憶伏波桂林道上松宋陳
堯叟所種桂林東門外有伏波試劍石故云二忠遺筆流傳
人間自有傳之者此亦吾光片羽

潘傳云先生三上疏參化澄結姦誤國化澄恚甚必欲殺之
其黨競致力焉會有降帥高必正者救之得不死亦不往謝

船山師友記卷三

四

也返桂林復依瞿式耜聞母病聞道歸至則母已沒

五十自定稟庚寅年有留守相公六袞仰同諸公共次方密

之學士舊韻二首

律七

薑齋詩分體稟辛酉年廣哀詩第五有太傅瞿公式耜一首

自注字在田號稼軒常熟人庚
寅留守桂林城陷死之 五古

正鈞按乞終喪免闋試疏上於永歷三年十二月

按永歷
三年爲

丑據章靈賦注先生是年夏復由閒道赴關武夷先生以

永歷元年丁亥十月沒故疏中云在大祥之後據此則瞿
公之薦確是先生二次赴闕之時疏言得以終制覆允承

上堵允錫之薦而言乃戊子冬初次赴闕時事

詳上
卷

行狀

于膺難西走後卽稱瞿薦敘次稍疏

又按宮詹張公卽張同敞永歷三年以瞿式邦薦爲少詹則題春帖當是庚寅初春或卽己丑冬末觀乞終喪疏所言先生與瞿公初未謀面昭江卽昭平去桂林不遠是冬先生應至桂林度歲故漫記云然也攷瞿忠宣長孫昌文粵行紀事云己丑八月八日爲王父六十誕辰門下士額手稱慶則庚寅爲六十晉一之歲詳潘傳及行狀皆云服闋官行人則先生就職斷在永歷四年庚寅春初按章靈賦注云己丑夏復由閒道赴闕拜行人雖陳力之無可致其靖恭而悲憤有懷故有死諍之事死諍事在庚寅年未別爲注明則原文不過朔言拜行人由己丑赴闕後耳今按得逸文乞終喪一疏上於己丑冬末先生之就職在庚寅不待

船山師友記卷三

五

煩言已解年譜劉氏毓崧不及見此疏徒泥讀章靈賦注爲證以補行人隸於己丑夏而於是年二月強注服闋於先生所關甚大會別有文辨之又按徐氏蘊所爲小腆紀年乃以先生官行人司行人隸於丁亥二月則是時先生尙未出山益見紀載之失攷者多矣其去官參之自定稟及各書應卽本

年七月瞿公誕辰在八月先生此時復返桂林故得同諸

公進祝也

按方密之詩蓋作於上年己丑故云舊韻

又按六十自定稟己酉年因林塘小曲築草庵五律六首

第二首末句云小東皋畔客今日暫招魂自注小東皋瞿

虞山先生讀書處攷忠宣集有小東皋詩序言別山所顏

按小東皋當卽漫記所言東岸別館序詳下第四卷蓋以忠宣前在虞山築室曰東

皋故云而先生猶追念之也

嚴大傳起恆

嚴起恆字秋冶浙江山陰人寓籍眞定崇禎辛未進士授刑部主事改員外郎已陞廣州知府遷右參議分巡下江防道何騰蛟爲題改分守上湖南時張獻忠初去楚騰蛟開督府長沙劔徵義餉以意爲輕重起恆爭不勝乃議鼓鑄以紓民困數月得數百萬緡輸騰蛟請緩預徵一年民稍甦起恆情愼端和驕將悍兵多服其德斂手受約束如部將稍擢太僕少卿已乃晉戶部侍郎督理錢法軍餉上幸桂林召見擢戶部尙書已同瞿式耜守桂林上在柳象召入改吏兵二部尙書東閣大學士抗辭不允乃入直扈從南甯制命票擬皆出其手時承隆武之餘詔

船山師友記卷三

六

旨繁蕪起恆詳慎簡要中外乃壹所奉東粵反正瞿式耜迎駕西北出楚王化澄朱天麟貪東省之饒決意東下起恆爭不勝旣從駕至肇慶江楚勢稍振求仕者滿輦下起恆雅意澄別不協所願乃羣走緹帥馬吉翔往往得旨下部起恆持不可則中旨下化澄天麟改票以行袁彭年金堡交劾之時四方勦鎮請封秩者輦金賂閣部大僚起恆峻拒不納天麟忌其異已給彭年堡弁攻起恆起恆求去會上召天麟面詰詐盡露上乃敦趨起恆入直天麟慙恚以病免化澄亦沮喪移疾不出中外方倚起恆制江楚永歷三年春楚師敗何騰蛟被害楚兵失主洶亂永州舉人劉惟贊徒步詣行在疏言國之存亡唯在起恆之一

出下廷議起恆不果出已而諸軍無統兵益暴民益怨以趨於
盡卒如惟贊言起恆既終留相請上親政涖講節國用慎恩紀
立威信凡七八月內外羸安會孫可望求內增邀王爵金堡言
其不可起恆居中持之可望心折永歷四年春上乘肇慶至德
慶州王化澄遽得旨入直一兩月間程源郭之奇萬翱結吳貞
毓等訐奏金堡等把持朝政化澄入調旨遣緹騎逮堡等四人
下錦衣獄起恆匍伏舟次泣奏諫臣非所宜譴嚴刑非今所宜
用請貸堡等不聽化澄等思構起恆益急上意猶嚮倚之未有
以搖也化澄迫乃請勅召朱天麟而密訂天麟因胡執恭結可
望爲外援脅上爲殺起恆地給事中雷德復遂露章劾起恆二

十四罪化澄調旨用宋雷有鄰鼎鑄有耳語嘲激之起恆稱病
請去行人董雲驤王夫之交疏言大臣進退有禮請權允輔臣
之去勿使再中姦毒重辱國而灰天下之心疏入董雲驤不待
報聞挂冠入南海去翱可藻請逮夫之高必正力爭不可乃已
起恆謝病疏七上不得報解舟去平樂顧上意注起恆而薄化
澄敕留之起恆返日爲羣小所搖志沮不行侍朝請而已四方
鎮帥聞起恆摧抑皆解體無鬥志是冬兩粵繼陷上奔南甯化
澄率諸臣四竄唯起恆從始德復疏入有勸起恆必去者起恆
泣然曰吾留此卽免禍豈復能有所効顧今日亦安往哉患難
君臣相報者一死爾國一日未亡吾一日不能舍上而去死於

姦死於敵惟天所命耳胡執恭已偽造冊寶封可望秦王懼偽
露乃告可望曰嚴學士必不冝撰敕冊此我密請之上自內發
者可望以是怨起恆甚永厯五年遣其吳將軍入見挾兵擁行
宮猝入起恆舟請與語語竟起送之出遽揮銅椎擊中起恆腦
墮水死上聞痛哭出金募泗人得起恆屍葬於南甯江岸

永厯實錄

本傳

南窗漫記云太傅山陰嚴公於端州行宮閣內書芭蕉葉云
臣節唯知懷一冷王言不敢褻雙温於時有卿貳蒙温旨者
但得一褒語因詆公不知典故票擬失辭云九卿例得雙温
蓋競躁之妄言耳故公書此以見意

船山師友記卷三

八

請允輔臣乞休疏

薑齋逸文

云李泌以可退可進之身從容以處

讒忌之百至而唐以再造文天祥以不退不進之身搖落於
王爚陳宜中之黨而終宋之世君臣兩受其傷昨科臣雷德
復參輔臣嚴起恆一疏備極污蟻眾心揣摩□□□在輔
臣之心迹皇上鑒之二祖列宗在天之靈假之天下臣民共
耳目之豈俟臣贅且德復之造端本末授受機關亦路人知
之臣又何敢過爲吹索今誠使輔臣以高蹈之鴻迹矯子雄
之鼠嚇舉朝內媿或尙改轍又未必非皇上激厲風軌之大

端

後注永厯四年四月上

行狀云服闋就行人司行人介子之職時科臣金公堡袁公

彭年丁公時魁劉公湘客蒙公正發主持振刷而內閣王化
澄悍帥陳邦傳內豎夏國祥等交害之廷杖下獄將置之死
府君走訴嚴公勸公匍匐求貸其後五君以嚴公力得不死
而黨人雷德復誣參嚴公府君抗疏指陳王雷誤國疏凡三
上嚴公雖留而志不得伸而黨人吳貞毓萬翱將陷府君於
不測府君因求解職

餘姚邵廷采西南紀事卷四嚴起恆傳云黨人獄起金堡丁
時魁蒙正發劉湘客下錦衣衛拷問血肉狼藉中書舍人管
嗣裘衡州舉人王夫之謁起恆曰國勢如此而作如此事奈
天下後世何起恆曰吾亦寃之然無可如何也嗣裘曰誰秉

船山師友記卷三

九

國鈞而令至是相公不可爲此言也起恆瞿然索衣冠請對
不得入率諸臣伏沙灘求免刑式耜及勳鎮各疏申救堡等
卒得不死起恆亦罷相

五十自定稟己丑年有戲代山陰相公贈懷甯朱侍御一首
律七

薑齋詩分體彙辛酉年廣哀詩第六有少傅嚴公起恆一首
自注字秋治山陰人寓籍真定
辛卯以抗孫可望被害 五古

正鈞按先生初次赴闕其始至在永歷二年戊子冬見於
章靈賦注其歸楚在三年之春見於自定稟

按是年有晨發端州與同

鄉人別
一首漫記一條下接敘晏奉常霽明和詩事霽明以永

歷二年爲太常博士若詩作於二次在闕時則四年霽明已遷郎中不得稱爲奉常據此則嚴公書蕉葉當是先生初次赴闕所目擊者章靈賦注云所見尤爲可憂此亦其一端也

又按行狀敘服闋官行人下卽接云時科臣金公堡云云則先生之就職在永歷四年春行狀所載甚明益見劉氏之隸官行人於己丑夏爲不加審矣詳實錄桂王紀詔獄係二月事先生勸嚴公救堡等潘傳云偕管嗣裘蓋與行狀詳略互異請允輔臣乞休一疏後注四月與桂王紀正合則同董雲驥所上者正是此疏近始并乞終喪免閣試

船山師友記卷三

十

疏接逸得之潘傳及行狀均云三上疏章靈賦注亦云旣三諫不聽諫道窮矣則當日所上尙不止此一疏也又按先生當日從王舊僚所著錄諸人中尤於瞿嚴二公始終惓念則以二公孤忠濟難實爲永歷國命所繫又非獨知己之私感已也

金黃門堡

金堡字衛公別字道隱浙江仁和人崇禎庚辰進士授臨清知縣移疾歸南都陷魯王監國浙東堡棄家依之已知魯王無遠志走閩陛見抗疏言鄭芝龍擁兵自大無效死興復之志思文皇帝心善之已而以母憂解官全浙陷不能歸遂避地沅州永

歷二年楚粵稍定山山達桂林瞿式耜奏請召堡有旨召見堡上疏言曰今日天下敗盡陛下據一隅而望中興非有夏少康漢光武之憂勤剛斷終無濟理如欲爲晉元宋高因人成事亦何者爲可因之人也今日大患莫甚於閩外不知有朝廷而朝廷復以匪人持政柄貽閩外輕郝永忠殘賊已復之土宜檄楚督檢之正法陳邦傳無尺寸功爵上公假敕自稱世守宜禡其爵馬吉翔扈從之勞爵列侯酬之足矣宜勿使與政從此收拾威靈一歸之陛下庶幾人心可壹天命可延疏入吉翔大怒思以陷堡上召閣臣朱天麟問曰金堡何等人也天麟對曰堡在隆武中爲給事直諫以參鄭芝龍爲思文皇帝所倚用者上變

色曰卿謂芝龍爲可參耶天麟知上意遂票嚴旨切責堡自上之立羣臣率苟容無敢昌言者堡疏入舉朝驚愕詆堡狂躁唯袁彭年丁時魁推重之堡孤立亦遂與相得嚴起恆於上前力稱堡言雖過當然皇上起多難萬不可譴直臣上意稍解故堡諸劾功罪亦稍得行永歷三年孫可望求王封堡疏爭中外以爲允乃罷王封之議朱天麟居南甯日與陳邦傳謀所以傾堡者欲因孫可望以脅上殺堡乃遣胡執恭作偽冊寶封可望秦王事既成會梅關告急夏國祥以敵旦夕至誅上去肇慶而挾陳邦傳以鉗上且以東粵不保爲堡等謀國無狀之罪吳貞毓與馬吉翔謀已定上棄肇慶瞿式耜嚴起恆諫不聽既至梧州

吳貞毓率其黨數十人連疏攻堡及袁彭年劉湘客丁時魁蒙
正發把持國政裁抑恩紀謀危社稷遂褫職逮下錦衣衛拷掠
嚴起恆率羣臣跪伏求貸不聽諸刑皆備而堡刑尤獨酷幾死
者數四瞿式耜抗疏申救不聽曹志建焦璉胡一清楊國棟馬
進忠交章申救乃下法司定罪高必正入見吳貞毓等迎謁請
爲殺堡必正既陞見出卽就堡舟次抱堡痛哭吳貞毓等始戢
遂得減死論戍清浪衛不得達留客桂林瞿式耜館之堡左足
創攣須杖而行遂絕意世事桂林陷祝髮爲僧去世所稱澹歸
大師者也

永歷實錄本傳

章靈賦

薑齋文集

注云時山陰虞山二相公孤忠濟難反蒙主疑

船山師友記卷三

三

下諫者金堡於獄幾杖殺之

行狀云時緹騎掠諸君舟僕妾驚泣府君正色責之而止

南窗漫記云挑燈說鬼亦無聊飽食長眠未易消雲壓江心
天渾噩蝨居豕背地寬饒禍來祇有膠投漆疾在生憎蝶與
儵劣得狂朋爭一笑虛舟虛谷儘逍遙金衛公堡詔獄後足
折臥舟中余往省之書此見示時余拜疏忤羣小怒亦將謝
病入山矣

夕堂永日緒論外編云後起如金道隱亦亭亭獨立分作者
一席

遣興詩序云王君謂是十二年前借山在靈谿所作於是次

韻而和之不能寄甘蔗生也爲之悽絕

鼓棹初集有聞丹霞謝世遙爲一哭尉遲杯一首

正鈞按南窗漫記引述疇昔所辱贈示之作有金道隱黃門堡自定稟答姚秀才詩亦有兼呈金道隱之語與之酬唱甚夥先生勸嚴起恆救堡等事在二月永厯實錄桂王紀五月戊金堡丁時魁漫記云詔獄後則先生過舟中省道隱蓋在五月以前也

又按劉氏毓崧曰自定稟己未聞聖功訃詩首二句云閒愁生死外回首故人無蓋言肇慶梧州舊僚已盡則金堡已前沒可知正鈞按李介夫天香閣隨筆云金道隱諱堡

船山師友記卷二

七

爲永厯御史彈孫逆廷杖戍金齒瞿啟泉督師廣西留之不行孔有德破桂林啟泉與張別山死獄中道隱上書有德請葬啟泉有德義其請葬畢卽削髮僧服東歸自號澹歸今隱居廬山歸宗寺又南疆繹史言堡以庚寅冬薙髮爲僧後二十餘年而終庚寅至庚戌正二十年其沒當在庚戌之後辛亥壬子癸丑之際也借山甘蔗生均道隱別字

劉僉都湘客

劉湘客字客生別號端星陝西富平人少爲名諸生陝西陷兄遠生客於贛遂依以居恍慨有當世志爲贛撫李永茂所器重

隆武中薦於朝授汀州推官擢山西監察御史閩陷走廣東上踐祚與擁戴李永茂薦爲三秦人望可大用王坤惡其不謁己假御筆抹斥之永茂致仕去瞿式耜奏改翰林編修充日講官坤復阻之爲輟日講止自桂林出全州劉承允奏請封馬吉翔及郭承昊嚴雲從伯爵御史毛壽登疏論之侍講周鼎瀚謂承允壽登疏湘客所草也承允怒矯旨縛之闕下將杖之廷臣跪救不釋承允佯跪求免乃釋之湘客落職時承允欲邀上幸武岡湘客與瞿式耜言上宜返蹕桂林中制粵楚式耜馳疏諫承允怒上遂入武岡湘客既斥避兵居柳州承允降上奔柳乃復湘客職敕往桂林協贊留守軍務上幸桂進中允郝永忠潰掠

船山師友記卷二

志

桂林上幸南甯敕湘客返桂安撫及廣東反正上出肇慶湘客入見擢侍讀學士朱天麟王化澄以湘客非科目不當入內制忌摘之湘客請外除遂用前御史積資改都察院僉都御史協理院事與都御史袁彭年秉憲綱裁正冒濫吉翔故怨湘客至是益甚遂日爲蜚語稱湘客與彭年結科臣丁時魁金堡蒙正發結黨把持永歷四年上奔梧州吳貞毓等奉吉翔意率羣不逞交參湘客堡時魁正發遂逮下獄掠治之革職胥靡論湘客出獄無所歸客桂林數月桂林陷丁時魁降邀湘客出湘客匿緇流中得免李定國復桂林遠生赴之定國願往往就遠生問湘客堡甚摯桂林再陷匿賀縣山中未幾卒

永歷實錄本傳

五十自定稟庚寅年有劉端星學士昭州初度時初出詔獄

一首五律

正鈞按劉端星箸有行在陽秋言粵事甚悉昭州爲平樂
舊名自定稟是年有晨發昭平飛雨過驢脊峽上泊甌灘
會月上有作一首泊甌灘是平樂縣畝由昭平至平樂水
路今初度詩有云過嶺金風煖當階暑日懸當是七月間
蓋先生亦以此時去官與端星同至平樂也南窗漫記引
述疇昔所辱贈示之作有劉端星學士湘客則同在梧州
時尙多酬贈

蒙給諫正發

船山師友記卷三

五

蒙正發字聖功崇陽人隆武元年以諸生舉義兵敗走長沙投
督師何騰蛟授推官銜參章文毅曠軍事從守湘陰經年長沙
失守騰蛟走永州曠守祁陽時桂藩駐蹕武岡曠薦正發爲翰
林院庶吉士疏云正發以諸生起兵崇陽臣服其勇棄家不顧
仗策南來臣服其義甫解囊鞬遂登賢書臣服其學帷中運籌
盾頭草檄臣服其才督催餉務衣敝肘見臣服其廉與臣共事
兩載不忝離臣一步不屑求臣一官臣服其靜而正疏上爲劉
承允所沮遂以兵部司務改授翰林院待詔已曠集潰兵爲恢
撫營復題正發戶科給事中總理軍事未幾曠沒於東安 大

兵入武岡桂藩移蹕桂林騰蛟遂薦正發入內掌戶科事永歷

二年李成棟以東粵反正正發率滇兵扈蹕至端州四年上奔梧州吳貞毓等疏攻正發結袁彭年金堡丁時魁劉湘客把持朝政逮下獄掠治之後歸楚復二十餘年沒三湘從事紀

南窗漫記云蒙聖功給事正發款乃聲九十首曾授余訂之其警句則片帆影挂前川月透枕霜清五夜鐘藥市藏名嫌

有價鷗羣不亂信忘機荆臺不樂呼先輩高閣從來東腐儒千里孤身分兩地一天雪意釀同雲潭經積雪波增力樹過

重陽葉盡周更擬卜居遷赤甲遙憐知己在丹霞丹霞澹歸所居澹歸者金道隱堡詎可不謂句意雙到

三湘從事紀按書為聖功著敘隆武冬舉義兵敗投何騰蛟及依章贖事至永曆三年何騰蛟敗沒止蓋聖船山師友記卷三

功始終從事其間也序蓋齋逸文云華亭公以勞歿義興公以莞終余與聖功屢不死而今日又從而言之則我兩人終出黎平與天玉下自取之也余何忍復讀三湘紀事哉

六十自定稟甲寅年有送蒙聖功暫還故山一首律七乙卯

年有萍鄉中秋同聖功對月一首律七己未有聞聖功訃遽

賦一首律七

薑齋編年稟丙辰有雨中過蒙聖功斗嶺五首絕五

薑齋分體稟庚申年有重挽聖功一首律七辛酉年廣哀詩

弟十八有蒙諫議正發一首自注云字聖功崇陽人已未沒五古

正鈞按聖功永歷實錄未為立傳湖南通志流寓傳云寓

衡陽又明代職官表十一有湘陰訓導蒙正發詳章文毅薦疏云以諸生起義又云甫解橐鞬卽登賢書正發之起兵在隆武乙酉應以丙戌南闡得舉其官訓導按三湘從事紀自述有癸未準貢之語則其官湘陰當在起義以前又按明季南略東粵反正瞿式耜再疏令給事中蒙正發迎駕往桂葢卽紀中所謂扈蹕也聖功以康熙己未沒去庚寅從王時已三十年攷衡陽縣志流寓正發沒于衡陽南鄉之斗嶺故晚歲與先生游處見於自定稟各詩也

管舍人嗣裘

管嗣裘字治仲湖廣衡陽人少英爽有文名詣王遁象緯中崇

船山師友記卷二

七

禎壬午鄉舉張獻忠陷衡州購索人士充僞吏嗣裘走匿深山獻忠促令捕殺之其兄嗣箕爲應捕代死會獻忠去得免已而遊廣東故與蘇觀生善及是遇觀生于廣州觀生立唐王聿錡授嗣裘給事中嗣裘竄匿優人舍得不拜僞命遂遁歸南嶽與行人王夫之舉義兵于衡山戰敗軍潰走行在授中書舍人奉敕至平樂廣西陷匿臨川山中冬月負敗絮采苦菜以食與劉遠生劉湘容朱昌時行吟谿峒中以死自誓李定國復桂林招遠生洎嗣裘昌時出尤優禮之嗣裘見定國赤心不隨可望爲僭逆曲說定國決策迎駕定國亦委意焉居軍中與議機務定國之東攻肇慶也孫可望遣使羈縻之定國亦以孤軍外懸所

向未利難卽與可望亢遂姑通好可望故用張獻忠七疊篆印
定國承制鑄印給將吏嗣裘諫令皆反九疊至是仍銷九疊印
復七疊嗣裘日從與定國遣使興隆候駕定國猶豫未遣嗣裘
大悲曰吾立身十餘年濱死者數四豈更從人作賊邪棄定國
軍去爲浮屠至修仁不知所終

永歷實錄本傳

乞終喪免閣試疏云臣父朝聘以永歷元年十一月十八日
因衡州被陷僞官句索令下憂憤成疾而終臣方匿處苦塊
不能逮不肖之企及嗣後奉父遺命與今中書舍人臣管嗣
裘起義衡山力弱事敗逃死行闕

潘傳云桂藩駐肇慶紀綱大壞給諫金堡丁時魁劉湘客袁

船山師友記卷二

六

彭年蒙正發志在振刷王化澄等害之目爲五虎交煽中官
逮獄將置之死先生約中含管嗣裘與俱告嚴起恆曰諸君
棄墳墓捐妻子從王于刀劍之中而黨人殺之則志士解體
雖欲效趙氏之亡明白忼慨誰共之者起恆感其言爲力請
于廷

薑齋詩分體彙辛酉年廣哀詩弟七有管中翰嗣裘一首

自注

字治仲說李定國迎蹕拒孫可望
不果甲午遇害于永定州

五古

正鈞按治仲與先生居同里開早歲過從最密

按病枕憶
得己卯年

匡社初集詩題有呈治仲之語蓮峯志沿革門乙酉十一
月再造先生與治仲均與其役詳上第二卷下第六卷

其同舉義兵乞終喪免閣試疏云奉父遺命武夷先生以

丁亥十一月沒攷章靈賦注云舉兵不利遂由郴桂入粵
先世旣以從王起家胡爲釋此不圖而吝南征之策也戊
子冬旣至行闕所見尤爲可憂又行狀云府君營葬嶽後
旦夕悲號膺難西走膺難卽指戰敗而言據此則舉兵當
在戊子戊子爲永厯二年是年十一月何騰蛟兵復衡州
則舉兵必在秋間何軍未至之前可知也同走在先生
旋復返楚治仲應卽留授中書按五十自定稟有康州諸
作於庚寅題云追哭督府
義興相公是去秋同鄒管二中舍會公地管卽洽仲
去秋指己丑時先生之次赴關洽仲已稱中舍可證年譜
劉氏毓崧云五虎被劾據南疆繹史在二月丁亥行朝錄
言二月朔日甲申則丁亥係二月四日先生勸起恆救五
虎卽在是日蓋正月在桂林聞桂王播遷卽往迎扈是時
已至梧州也按劉氏推測甚核時先生就職應未逾月也
又按永厯實錄成於緬甸覆沒之後時已康熙元年壬寅
嗣裘以甲午遇害而本傳云不知所終蓋廣哀詩作於辛
酉先以傳聞未審後始得聞確耗也

董行人雲驥

董雲驥字紫帽嘉興人永厯時官行人與王夫之同上疏請允
輔臣嚴起恆去位疏入雲驥不待報聞挂冠入南海去永厯實
錄嚴起

傳恆

正鈞按先生與雲驥同僚又同上疏言事則平時友善可

知據風倒梧桐記雲驤之官大行在永歷二年四月李成棟反正之時又行在陽秋永歷二年以董雲驤爲行人四年四月補董雲驤御史雲驤謝恩時伏地不能起殞于御舟所紀與實錄異攷錢秉鐙藏山閣存橐卷十二行朝集庚寅有哭董紫帽原注嘉興人諱雲驤詩云蠻鄉淹瘴癘閩海共艱難皮骨殊方老神情白晝寒辭榮求遠使原注屢請出聯絡江淮破格拜天官報國時甘忤原注今春有疏忤時思親淚未乾九原留髻髮萬古葬衣冠久蓄南還橐開箱不忍看於紫帽之志節出處亦略具矣

船山師友記卷二

方閣老以智

方以智字密之直隸桐城人姿抱暢達蚤以文章譽望動天下父孔炤萬厯丙辰進士巡撫湖南以失律逮下獄阮大鍼與同郡尤忤害之欲致孔炤於死以智方上計偕忌者欲因文場害之使絕營救以智佯爲不就試已乃密入闈中崇禎庚辰進士選庶吉士改編修以智旣官禁苑在廷稍爲孔炤伸理得減死論北都陷以智閒行歸里大鍼黨欲以從逆陷之幾不免南都陷以智改姓名爲吳秀才游南海瞿式耜聞而迎館之會上卽

船山師友記卷四

位於肇慶擢左中允充經筵講官司禮監王坤奏薦大臣數十人給事中劉竄抗疏言內臣不得薦人坤怒疑疏出以智手爲寢經筵以智旣無宦情講官之命爲式耜所強授又不見庸遂挂冠去客桂柳閒粵西稍定就平樂之平西村築室以居以智詩仿錢劉平遠有局度至是放情山水觴詠自適與客語不及時事楚粵諸將多孔炤部校欲迎以智督其軍以智咸拒謝之永厯三年超拜禮部尙書東閣大學士不拜詔遣行人李渾敦趨入直以智野服辭謝不赴平樂陷馬蛟麟促以智降乃舍妻子爲浮屠去

永厯實錄本傳

南窗漫記云方密之閣學逃禪潔已授覺浪記荊主青原屢

招余將有所授誦人各有心之詩以答之意乃愈迫書示吉
水劉安禮詩以寓從與之至余終不能從而不忍忘其繾綣
寶慶府志遷客方以智傳云以智寓居新甯復徙居武岡之
洞口其居武岡時與衡陽王夫之善既爲僧青原以書招夫
之甚勤最後有時乎不再來之語夫之復書云不能披緇以
行寓意赫蹠意難卽白而以智下世矣見夫之龍源夜語
五十自定稟丁未年有寄懷青原藥翁一首七律 戊申年

有得青原書一首七律

愚鼓歌夕堂戲墨卷八有和青原藥地大師十二時歌十二首

六十自定稟辛亥年有極丸老人書所示劉安禮詩垂寄情

船山師友記卷四

二

見乎詞愚一往啾吃無以奉答聊次其韻述懷一首七律

壬子年有聞極丸翁凶問不禁狂哭痛定輒吟二首自注傳聞薨于

泰和蕭氏春浮園七律

薑齋詩分體稟辛酉年廣哀詩第十三有青原老人前大學

士方公以智一首自注字密之桐城人國亡後披緇稱愚者智字無可號藥地一號墨厯壬子卒於泰

和五古

正鈞按五十自定稟己丑年有圓通庵初雨睡起聞朱兼

五侍郎從平西謁桐城閣老歸病戲贈一首桐城閣老卽

密之平西卽平樂之平西村去平樂四十里詩中有秋井拖陰梧

桐新墜之語蓋作于是年秋間先生二次赴闕之時而次

年有劉端星昭州初度一詩作于去官以後

詳上卷一

昭州卽

平樂舊名據此則密之寓居平樂時與先生常相聞問也

又按青原在吉安府廬陵縣距泰和不遠蕭氏卽蕭伯玉

之後人春浮園係伯玉所居詳耆舊集載徐令素唐躬園

墓誌云

按唐躬園名端笏先生門人詳第十四卷

又極丸老人以書訂船山同

往青原船山不欲往遣躬園行達彼此之意又以母病不

果行按又字承上欲訪廬山以父病不果而言躬園欲訪

廬山在康熙己酉

詳後

次年庚戌無密之寄書事則遣躬園

當是辛亥和示劉安禮詩時次年壬子寶慶府志所載復

書事當卽此一次也劉安禮名仲鎔舉于鄉與兄伯欽俱

船山師友記卷四

三

以清節著聞隱于梅川見永厯實錄劉季鑛傳

郭少馬都賢

郭都賢字天門益陽人父諱以鄉貢知開縣都賢幼聰慧天啟

二年進士授行人冊封閩藩七年充順天鄉試同攷官得史可

法等十七人升吏部文選司員外父憂起復除四川參議崇禎

十二年督學江西十四年分守嶺北道十五年巡撫江西時張

獻忠已逼境賊騎充斥都賢晝夜繕堵禦策兵餉會其屬誓約

凡官司一應供給俱捐以助餉左良玉屯兵九江驕蹇觀望都

賢介馬往見責以大義會有尼之者遂以病乞歸歸後北京陷

悲憤不食已南都建可法開闢揚州都賢門人也薦授南京操

江辭不受桂王立肇慶以大學士召時都賢已落髮爲僧矣先是洪承疇方革職都賢奏懇起用鎮遼瀋至是入本朝經略西南以故舊謁都賢于山中饋以金不受奏攜其子監軍亦堅辭不允都賢性嚴介風骨冷然博學強識工詩文書法瘦硬兼善繪事寫竹尤妙人得其片紙皆珍異祝髮後號頑石又號些庵益茹苦無定居流寓沔陽十有六載歸里後結草廬于桃花江復以詩累客死于江陵之承天寺著有補山堂集些庵襟著等書

增輯楚寶本傳

永歷實錄王允成傳云前僉都御史益陽郭都賢隱居安化之石門山蒔花種秫頗有佳致

船山師友記卷四

四

南窗漫記云丙戌屯師湖上未能前進一咫而賦斂之重十倍少司馬天門郭公都賢詠雪詩云四望郊寒連島瘦一天白起奈蕭何督師聞之怒甚嗾悍師害之會潰敗不果公卒以文字取禍卒于江陵倪文正公贈公詩云愛他風骨耐他麤善于言公者也

落花詩序云庚子初冬得些庵大觀諸老詩讀而和之成十首變而仍雅是故得謂之正

雁字詩記

夕堂戲墨卷五

云雁字之作始倡于楚人楚澤國也故楚人以此爲詠歎近則玉沙湖補山老人續唱作者連軫予病

未能且十年矣不期病中忽有陽禽筆陣如鳩摩羅什兩肩

童子出現因吟十九首注庚戌年又戲墨卷四洞庭秋三十首自

注遙和補山堂作注己酉年

衡陽縣志流寓郭都賢傳云世亂祝髮居廬山客迴雁峰居

數月瓢笠杖履蕭然自如有物色之者輒謝曰爾誤也一夕

留詩寄郡人鄒統魯王夫之等遂泛棹去尋棲于玉沙湖額

其堂曰補山

五十自定稟丁未年有湖外遙懷些庵翁一首七律 戊申

年有些翁補山堂詩和者數十人今春始枉寄次韻奉和并

數翁體一首歌行

六十自定稟己酉年有寄和補山堂詩已就聞翁返石門復

船山師友記卷四

五

次元韻寄意一首七律

薑齋詩編年稟壬子年有補山翁坐繫沒于江陵遙哭二首

五律

正鈞按補山堂集浮湘亭詩序後注乙酉仲春先生游湘

鄉與洪龍諸子續浮湘之遊在丁亥詳下弟七卷相去已踰二

年詳永歷實錄桂王紀元年二月敕召郭都賢為兵部侍

郎未赴其時些庵應己流寓在外客迴雁峯未能定為何

時庚子為順治十七年先生是年始定居湘西見虎止湘西草堂記

自是與些翁常有遙寄之作詳先生壬午赴計偕至南昌

其時些庵正官江西巡撫證以編年稟哭些翁詩弟一首

云章門悲節落謁署憶交貧道廣公應忘鄰孤痛自真則
先生與些庵蓋始相見于南昌也

張宮詹同敬

張同敬號別山湖廣江陵人故大學士居正之曾孫也少爲諸
生有名崇禎三年追錄居正功應詔出補中書舍人崇禎十五
年奉敕戒諭楚蜀宗藩未復命而北都陷思文皇帝立乃就閩
陞見復追錄居正邊功改錦衣衛指揮奉敕使湖南閩陷謁上
于全州隨駕入武岡復就中書班改編修充誥敕撰文官擢侍
講不合于劉承吳奉敕出寓靖黔閒永曆三年春崎嶇達桂林
會何騰蛟敗沒上命瞿式耜兼督楚師式耜薦同敬忠勇負宿

船山師友記卷四

六

望當任以楚事乃以少詹事兼兵部右侍郎督師復楚同敬盡
瘁行閒爲諸武人所重四年春督軍下全州復東安圍永州糧
不繼而退朝廷自失騰蛟經理錯亂散遣監軍事權不一同敬
莫能自行其志每午夜秉燭起歔歔悲吟以寄意嚴起恆奏當
舉楚事一委之同敬然所督者滇楊及馬養麟而已梧州詔獄
起同敬疏言朝廷方危迫不宜用北寺獄攻掠言官爲王化澄
所惡會于元煜自楚西來詣闕求督師化澄遂擢元煜兵部尙
書兼副都御史盡督王馬滇楊之兵以奪同敬權元煜者故大
學士慎行之孫昏耄猥墨旣至桂林飾女以嫁趙印選印選遂
擁之爲軍主與同敬抗滅胡一青軍食孔有德來攻印選不援

一青孤軍潰印選遽攜帑走有德兵薄桂林同做單騎麾兵兵皆鶩散不聽同做馳入城見瞿式耜曰同做不死于陣者爲不欲曖昧自斃耳願與秉燭行詩各賦絕命詩是夕有德屯兵城西北火光燭城中同做據枕高臥歛聲如雷黎明起與式耜沐櫛整冠服坐署中兵入被執桂林不見雪者十五年矣臨刑之日雪霰襍下林岫皆白雷電交作同做顧謂式耜曰此非先生及做乎式耜笑頷之同做姿幹清偉目灼灼光出睫外言笑軒爽文筆遒勁給事中陳泰來殉難于閩家人避難楚西徭峒游兵或擾之同做大書其門曰忠臣孝子之家烈風雷雨且將聽命而況人乎擲筆顧座客曰此志氣之必然無足疑者吾輩死

船山師友記卷四

七

當有以驗之後果如其言致雷雪之異焉

永歷實錄本傳

南嶽賦

薑齋文集

云近則荆溪制相江陵詹尹

自注荆溪卽褚公仲緘江陵卽張公

別拂車轍于層巒觀初暎之輪困拊劍而義魄增振衣而烈心引濱九死以崔嵬拯皇輿之遘閔

讀四書大全說卷六志士仁人條下云近則瞿張二公殉難桂林別山義形于色稼軒言動音容不改其素此又氣質之高明沈潛固非二公之一爲志士一爲仁人可分優劣也

衡陽縣志流寓張同做傳云奉使粵西兩寓衡陽與舉人管嗣裘鄒統魯王夫之雅相交歡每自述先世相業及再被國恩輒泣下嘗遊衡嶽攀陟巉絕賦詩狂吟山猿皆驚唬

正鈞按南窗漫記引云嘯昔所辱贈示之作皆苦思索不
得一章首序張別山先生

詳下弟
五卷

今詳別山本傳以永歷

三年己丑至桂林瞿式耜薦授少詹事是年先生正復由
閒道赴闕亦膺瞿薦攷瞿忠宣集小東臬詩序云江東對
伏波山有林一叢曖曖蔽空己丑秋日訪別山于隔岸小
樓遙望見之欣然欲往就而望之有屋三楹半毀于兵鳩
工葺之復爲編籬拓圃遂成一宅別山顏之爲小東臬此
與漫記所言太傅瞿公築別館于桂林東岸宮詹爲題春
聯詳上弟
三卷正是一事疑先生與別山酬贈當在游嶽之時
或卽在己丑冬間蓋次年春初先生服闋就職而別山時

船山師友記卷四

八

亦督師出楚也

朱侍御嗣敏

朱嗣敏字兼五直隸懷甯人頗工詩善行書以諸生參江西呂
大器軍謀用功授衡陽教諭中湖南丙戌鄉舉嚴起恆奏授中
書舍人歷粵楚軍中改御史監焦璉曹志建軍擢僉都御史方
受命桂林陷上奔南甯嗣敏崎嶇走賀縣入志建軍中鼓勵志
建固守不降未幾以疾卒嗣敏文辯有餘非軍旅才其爲監督
也坐嘯而已顧守正不媿阿于疆帥張同儻重之

永歷實
錄本傳

五十自定稟己丑年有圓通庵初雨睡起聞朱兼五侍御從

平西謁桐城閣老歸病戲贈一首

七律

庚寅年有五日小

欽兼五舟中寄人時兩上書忤時相嫉讜命故及之一首

律七

正鈞按南窗漫記云丙戌開楚闈于衡陽兼五本傳云以衡陽教諭得舉想其時先生已與相識後皆從王嶺外故過從談讌爲更密也

李司馬芳先

李芳先字廣生江陵人熊興麟巡按貴州黔土擾亂遲回未赴留黔陽山中已與兵部主事李芳先同被執遂繫解常德舟至中途守者欽其志義寬械繫夜靜守者酣寢芳先蹴興麟起與謀去興麟曰死吾分也君勉去吾精爽已馳赴武陵刀下矣芳先執手垂涕而去已復歸闕

永歷實錄熊興麟傳

船山師友記卷四

九

百梅花詩自序云昔同遊者江陵李芳先廣生相見于蒼梧與洒山陽之涕李侯謂君不忘浮湘亭上盍尋百梅之約爲延陵劔耶將次成之會攸縣一狂人亦作百梅惡詩冒余名爲序敗人吟興抵今十五年矣乃懷昔耿耿且思以挂劔三子者挂劔廣生遂乘燈下兩夕了之

五十自定稟庚寅年有李廣生自黔陽生還歸闕率爾吟贈並感洪一龍三陽太僕公及郎君鄭石諸逝者浮湘亭之遊

一首

律七

正鈞按廣生與先生同客湘鄉見南窗漫記在丁亥之春

詳下弟實錄稱兵部主事當是從王所授職特自歸闕之

七卷

後未知所終百梅詩序末注乙巳茱萸塘記乙巳爲康熙
四年序云以挂劍三子者挂劍廣生則廣生之沒亦久矣
姚秀才湘

姚湘字夢峽餘杭人杭陷不冑鬚髮隨金堡出飄泊楚粵丁時
魁欲官之湘罵曰吾死爲大明一秀才足矣何用此腐鼠爲詩
文亦亢爽有奇氣

永歷寶錄
金堡傳

五十自定稟庚寅年有答姚夢峽秀才見東之作兼呈金道
隱黃門李廣生彭然石三小司馬一首

七律

正鈞按南窗漫記引述疇昔所辱贈示之作有餘杭姚夢
峽湘蓋卽自定稟見東之作

船山師友記卷四

彭司馬焱

彭焱字然石孝感人思致明敏工行草書官兵部郎中

永歷實錄
晏霽

明傳

五十自定稟庚寅年有題彭然石舫壁舫一首

七絕

正鈞按自定稟庚寅年有胡安人挽詩一首序云小司馬
彭然石焱徵其元配胡安人殉節詩答姚夢峽詩題亦有
兼呈彭然石小司馬之語蓋官行人時相與酬唱之友也

唐閣學誠

唐誠字存之號缺庵武陵人崇禎癸未進士授中書舍人歷詹
事府少詹事國變後與兄誼奉其父文貞公遺命破家勤王助

瞿忠宣守桂林進文淵閣大學士督五省義師與何文烈相犄角 大兵逼湘潭公得報從桂林倍道援之不克奔端州圖恢復已 大兵破辰龍關兄誼不屈死俘其母入粵遂自囚贖母固請死不屈繫粵西已釋歸或薦之入 本朝作詩謝曰無如世相韓此義不忍絕遂隱秦人山以終

沅湘耆舊集小傳

永歷實錄張同做傳云唐誠吳李芳皆居喪墨經用翰林兼部院銜分督馬進忠王進才軍 瞿式耜傳云式耜薦一時人望大璫王坤撓不聽給事中唐誠席橐哭宮門上意稍動

正鈞按五十自定橐庚寅胡安人挽詩序又有云宮詹唐

船山師友記卷四

十一

誠以次金黃門堡韻七言四章付余屬和余別爲五言擬神絃之曲誠字爲誠字之譌鈔胥筆誤耳

熊閣學開元

熊開元字魚山嘉魚人天啟乙丑進士除崇明知縣調吳江崇禎朝徵授吏部給事中論事逆意貶二秩外用不赴久之起山西按察司照磨遷光祿寺監事行人司副劾首輔周延儒與給事中姜琛同受廷杖下獄所謂熊姜之獄也卒遣戍杭州事具明史南都建起吏科給事中會丁內艱不赴閩中唐王立以工科召疏請終喪連擢太常少卿僉都御史再疏辭敦詔入對開元請重爵祿簡刑罰急親征實聽納散朋黨俱嘉納之越日授

御營隨征東閣大學士兼右副都御史權理院事丹徒諸生錢
邦芑言事稱旨特授御史開元請改兵部司務重違王意已而
邦芑復授御史開元力爭諸御史合疏劾之乃引疾汀州破棄
家爲僧于蘇之靈巖師事南嶽僧退翁改號葉庵開元素精內
典嗣其法闢居華山三十年年七十餘卒

南疆釋
史本傳

尹郎中民興

尹民興字宣子平陽人崇禎初由進士授甯國知縣調涇縣行
取入都爲陳啟新所訐謫福建按察司檢校尋以兵警疏陳時
務十四事帝嘉之召爲職方主事數召對稱旨擢本司郎中周
延儒出督師命從軍贊畫延儒被譴亦下吏除名久之始釋南

船山師友記卷四

三

渡起故官旋謝病歸流寓于涇南都覆與邑諸生趙初浣宣城
諸生吳漢超等據城堅禦民興多智善謀 大兵攻之損傷最
多久乃克民興走入閩唐王授兵部郎中行御史事閩亡卒于

家

南疆釋
史本傳

永歷實錄郭之奇傳云當上初立詔徵用文安之王錫衮郭
都賢印司奇尹民興劉若金俱中道阻不得達能開元倪嘉
慶又皆披緇放浪江湖無興復志

正鈞按六十自定稟壬子年知李雨蒼蒼長逝遙望魚山哭
之弟四首云赤壁雄風百戰酣新安碧血灑江南大觀綽
板先君歛淒絕吳江老蘖庵自注雨蒼早與金正希尹洞

庭熊魚山齊名時金已殉難尹亦先逝熊公僧隱吳江存
亡未審又落花詩自序有云庚子冬初得些庵大觀諸老
詩讀而和之成十首些庵卽郭天門都賢攷耆舊集郭都
賢小傳云初依熊魚山開元尹洞庭民興于嘉魚乃知大
觀爲尹民興別字大觀而又一字洞庭也些庵沒于壬子
自庚子以來與先生常有遙寄之作寓居嘉魚時魚山旣
係邑人大觀爾時亦同客彼先生旣與些庵兩蒼長通書

兩蒼名占解嘉魚人詳下第十一卷

則二公在前不必其相識與否而同

以遺老守貞互相聞問故哭兩蒼詩均念及之也惟正希
已早殉難詳明史本傳正希謝病歸在崇禎中葉先生與

李兩蒼相識爲壬午前在武昌應試時詳後今哭兩蒼詩及
之則正希亦隸籍嘉魚先時或曾相見然以無顯證未便
編入

錢編修秉鐙

錢秉鐙字幼光後改名澄之字飲光安徽桐城人生明季弱冠
時有御史某閹黨也巡按至皖謁孔子廟諸生方出迎秉鐙忽
前攀車攬其帷眾莫知所爲御史大駭命停車秉鐙徐正衣冠
昌言以詆之騶從數十百人皆視莫敢動而御史方幸脫逆案
懼其聲之著也以爲狂而舍之秉鐙由是名聞四方與雲間陳
臥子夏彝仲嘉善魏學渠交又嘗問易於黃道周宏光時興大

獄秉鐙名在捕中變姓名逸去南都亡走閩中道周薦授推官
閩亡入粵永厯三年臨軒親試授庶吉士南雄陷倉卒遯蹕凡
大詔令悉秉鐙視草金堡下獄營救之改編修管制誥高必正
黨守素朝梧州吳貞毓郭之奇郊迎欲藉以殺五虎逐嚴起恆
適秉鐙過戎政侍郎劉遠生舟必正等先在日舉朝人皆說嚴
公不好想不是好人秉鐙笑曰說嚴公不好者爲救五虎也五
虎攻嚴公而嚴公反救五虎公以爲何如必正大感悟及入對
力言起恆公忠無私堡等處分過當乃得改戍秉鐙尋乞假至
桂林桂林陷祝髮爲僧名西頑久之返里著田間易學十二卷
初從京房入故言數頗詳後乃兼求義理以朱子爲宗又著田

船山師友記卷四

十四

間詩學十二卷謂詩與尙書春秋相表裏必求之三禮以詳其
制作徵諸三傳以審其本末稽之五雅以核其名物博之竹書
紀年皇王大紀以辨時代之異同與情事之疑信卽今輿記以
古之圖經而參以平生所親歷以小序首句爲主采諸儒論說
自注疏集傳外凡二十家持論精核於名物訓詁山川地理言
之尤詳秉鐙所著又有藏山閣橐田間集所知錄年八十有二

而終

小腆紀傳 國朝先正事略

永厯實錄旻霽明傳云及幸肇慶人士稍集瞿式耜留守桂
林尤加意延恤安慶錢秉鐙詩體整健宜興李來年少善組

飾皆授庶吉士

正鈞按飲光田間詩集卷十九客隱集癸丑

康熙十一年

有吳

茂孫謁選都門晤閒有懷王而農一首云憶昔分攜端水濱同時去住困風塵天南十載悲逋客冀北三冬遇選人吾道未妨輓迹異交情終在亂離親衡山曾問牆東隱聞說終年舊葛巾癸丑去庚寅從王已二十四年猶追憶及其與先生之交誼可知茂孫名李芳邵陽人飲光著有所知錄紀永歷元年至四年之事蓋皆飲光所見而知者黃梨洲文定三集方烈婦誌銘云以余所見唯所知錄刼灰錄庶幾與鄧光薦之填海錄可攷信不誣今按其書與永歷實錄所紀皆合南雷之言信也

伍先生定相

伍定相字學父一字玉鉉衡陽人萬曆時貢生十三歲卽通諸經性理通鑑諸書稍長益縱覽羣籍褐衣敝屣授徒以養母動靜語默必與橫渠延平兩先生相脗合鄒泗山先生稱之曰居敬窮理實踐虛求伍子一人而已爲學綜天文地紀人官物曲兵農水利之書以淹貫爲主船山之學所由本也早歲喜吟詠謂詩文古今未有合一者合詩於文則文不宣理合文於詩則詩不達情因選漢魏來十一代詩文各成一部名二壘以貢入

船山師友記卷五

南雍嘗上安民定亂十三策疾革嚙門人王朝聘語曰丈夫不死于婦人之手子丈夫也吾死子手矣遂逝朝聘船山先生之父也祀鄉賢崇禎間督學高彙旃旃先生世泰題其主曰明布衣理學伍定相之位有風雅堂集今不存所選十一代詩文壘亦不傳

沅湘耆舊集小傳
陳聖典墓志

武夷先生行狀云先君子少從鄉大儒伍學父先生定相受業先生授徒殆百人先君子爲領袖雖從事制義而究極天性物理斟酌古今以發抒心得之實

南窗漫記云先徵君受學于伍學父先生先生詩文爲南楚領頭先徵君與仲父牧石翁杖履周旋時相唱和末年斂意

深靜不復屬意夫之幼曾見一箋爲釋復支和先君韻者今忘之矣唯於卷尾得見過應山絕頂一絕句原草青青入望新歸雲將雨潤輕塵祇今江北春將盡渺渺江南愁殺人
家世節錄云先君少師事邑大儒伍學父先生定相研極羣籍先生與先君爲師弟子而相得如友生先生藏書萬餘卷居恆謂家君此中郎所以貽仲宣者行歸之子後先生猝得熱疾懣急不能語先君躬執藥食先生目語先君如將有所授者先君輒俛首不答歸而歎曰吾甯負先生詒命不能受仲宣之託也

船山師友記卷五

二

小腆紀傳王夫之傳云父朝聘受學於衡陽宿儒伍定相夫之與兄介之能大其業而夫之尤奇偉

廣陽襍記

大興劉獻廷著

云伍學父疾革時獨呼修侯先生而託死焉予觀其意詎止目其妻妾爲婦人哉王氏父子末年行徑

果丈夫也則學父爲知人矣

正鈞按學父先生爲武夷先生業師攷逸文武夷先生行狀有云歲丙寅大疫學父先生染疾不起先君子日夕不離牀榻執手以待瞑丙寅爲天啟六年先生時年八歲已入塾讀書漫記云幼曾見其詩則必常晉謁先生傳受家學鄧氏謂伍氏爲船山之學所本固自不誣特著于篇以見淵源之所自焉

又按家世節錄云已游鄒泗山先生德溥之門講性命之學又春秋家說序云先徵君早受春秋于西陽楊氏進業于安成劉氏四書授義由知德者鮮矣章云先子曾以此請教于劉望圭先生答曰是體認意皆與先生世不相及故不著

譚文學允阜 弟九都 允琳

譚允阜字惺欽衡陽人補邑文學以績學老于塲屋弟允都允琳均先生舅氏允都字小酉中天啟甲子鄉試乙丑會試以闈牘觸闕黨置之榜允琳字玉卿補郡文學篤孝養母國亡後棄諸生不就試

家世節錄 譚大孺人行狀

船山師友記卷五

三

武夷先生行狀云曾聞之舅氏惺欽譚公言與釋憨山德清辨率性之旨清爲挫屈夫之舉以請問微哂不答其不欲暴見類如此 又云歲丙寅大疫學父先生及舅氏小酉公皆染疾不起其家人子弟皆匿避去先君子獨日夕躬省不離牀榻執手以待瞑

石崖先生傳略云張獻忠陷衡州索紳士補僞官吾兄弟以父母衰老不能越疆望門無依賴舅氏玉卿譚翁引匿南嶽蓮花峯下

七十自定稟戊辰年有崇禎癸未賊購捕峻亟先母舅玉卿譚翁以死誓脫某兄弟于虎吻謝世以來仰懷悲哽者三十

餘年翁孫以扇索敏姪書字綴爲哀吟代書苦不能請先兄

俯和益以老淚淫淫承睫不止一首

七律

正鈞按先生早承父兄之教而母黨之賢又如此觀武夷先生行狀所述則平昔之所染濡可想矣中惟小酉以天啟丙寅沒七十自定稟詩題言仰懷悲哽三十餘年由戊辰上推則玉卿翁蓋沒于戊戌以前也

歐陽翁正陽

歐陽正陽衡陽人

見文集石崖先生傳略

石崖先生傳略云己卯以乙榜詔太學憶鄉前輩歐陽正陽翁自北歸持兄家報夫之往領焉歐陽翁曰伯兄無日不垂

船山師友記卷五

四

思親之淚吾誘之以弈至三兩局則淚滴罽中矣

正鈞按家世節錄先生母黨之戚有歐陽炳字元素炳子瑾崇禎六年鄉舉第一人此正陽翁未知是否一家俟攷

梁明府志仁

梁志仁南京人保定侯銘之裔也萬曆末年舉于鄉崇禎六年授衡陽知縣調羅田賊大擾湖廣志仁日夕儆備羅汝才謂左右曰羅田城小易克然梁君長者吾不忍加兵俟其去當取之會邑豪江猶龍與賊通志仁捕下獄猶龍知必死潛導汝才別校來攻八年二月猝攻城志仁急偕典史單思仁教諭吳鳳來訓導盧大受督民守禦城陷志仁持長矛巷戰殺六賊力屈被

繫抑使跪罵曰我天子命官有屈膝賊輩耶賊怒碎其支體焚之妻唐氏被逼大罵奪賊刀不得口齧賊手遂遇害思仁等亦不屈死汝才在英山聞之馳至羅田斬其別校曰奈何擅害長者以錦繡斂其夫婦屍詔贈志仁蘄州知州廕子祭葬有差

忠義本傳

明史

南窗漫記云梁東銘先生志仁上元人早受學于吾鄉曾舜徵先生鳳儀以鄉舉宰衡陽清執不合于上官左調羅田甲戌流寇陷城死之涖官繁冗不廢吟詠曾見其書扇一絕二句云再來祇恐無尋處好記懸崖一古松可謂清絕又入覲道中寄家兄叔稽近體四首中一聯云渡江十日酒遮屋五更霜置之薛許昌集中亦爲拔萃矣

船山師友記卷五

五

家世節錄云先君子文詞詩歌不數操觚夫之所獲見者送邑侯梁東銘志仁入計序及贈處士陶翁萬梧夫之妻父文今皆忘之矣

正鈞按節錄之入計與漫記所言入覲正是一事觀此則

東銘于先生家其親洽之誼可想漫記係晚年之書

引後注戊

辰天中日猶稱爲先生則以本邑賢吏而父兄又均與交

南窗記

好其殉難在甲戌先生時年十六入泮已二年矣則平居必常接見無疑也

鄭尙書逢元

鄭逢元字天虞又稱天瑜平溪人少警敏沈厚天啟中進賢熊侍郎明遇忤魏忠賢謫戍平溪激賞於諸生中許以公輔器舉崇禎六年鄉試由婺川教諭擢衡州府同知晉知府十六年以平賊守城功升副使尋加參政監滇黔楚蜀粵五省軍兩京旣覆妖僧冒福藩者誘煽平清沉晃間天虞知其贗與蜀按米壽圖總兵皮熊計擒之唐王進天虞太僕卿永明稱號召監督羽林轉太常戊子冬進兵部侍郎右副都御史總督滇黔楚蜀軍務以保黔功尋加尙書右都御史庚寅孫可望據黔稱秦王跋扈天虞書王命諭以諷適丁父維正憂卜葬餘慶城南而奉母居蒲郵可望強起之天虞婉辭以書云絕裾請纒温太真之後

船山師友記卷五

六

勁依劉爲命李令伯之陳情杜門不出者八年永明居滇特召授禮部尙書仍兼兵部參與機務永明被執遂祝髮滇之寶臺山自號天問和尚與丹徒錢邦芭爲方外交箸述甚富兵燹無存雍正中裔孫必楷於舊家敗麓中搜得谷口集一帙玉屏令東陽杜兆豐及邑子田榕序刊以傳皆晚年歸隱後所作也

莫友

芝黔詩紀
略小傳

永歷實錄陳友龍傳隆武元年有假稱宏光皇帝入沅州何騰蛟不能辨遣使起居僉都御史鄭逢元發其姦擒之伏誅病枕憶得癸未年有聞郡司馬平溪鄭公收復邵陽別家兄

往赴之一首

七

嶽餘集有聞鄭天虞先生收復寶邵別家兄下山而西將以
臘杪往赴愴然而作一首

自注癸未匿嶽五古

正鈞按憶得與嶽餘集二詩互異蓋憶得爲初起之草而
嶽餘集爲定藁也攷逢元崇禎十四年爲衡州同知見通
志職官表耆舊集劉惟贊傳云癸未之亂與衡州同知鄭
逢元督義勇殲賊魁惟贊字子參與先生至交天虞旣爲
先生本郡官必舊日相識而又與子參共事故欲赴之也
又按嶽餘集接編月中曉發僧俗送者三十人皆攀泣良
久予亦淚別五律二首則旣出山往赴矣而蓮峯志總序
有甲申春出自峯下之語則是行未遠卽返也

船山師友記卷五

七

劉水部明遇

劉明遇字浣松四川人初官司理或曰事桂王入翰林爲經筵
日講官常避亂居武岡洞口已遷新甯象王峯著書吟詠以自
遣乏食則講學受徒給養所著有雲勸齋集石蒼詩選明季新
甯多詩人逸老如劉禹甸雷在崑李枝茂謝國安諸人皆與之
遊在崑尤師事之詩有奇氣

寶慶府志
憑客傳

家世節錄云丙戌歲鄉試楚士于湖南劉浣松水部明遇以
點定墨牘屬夫之已授之鑄者先君怒曰汝以是爲儒者分
內事也卒不許竟其事

南窗漫記引云疇昔所辱贈示之作如張別山先生劉端星

中丞湘客金道隱黃門堡劉浣松太史明遇及上湘龍季霞
孔蒸餘杭姚夢峽湘皆苦索不得一章其他可知也

病枕憶得丙戌年有劉浣松水部屬余訂丙戌闈牘賦答一

首五

正鈞按憶得丙戌一詩領聯云文昌來自蜀衡嶽固爲荆
攷是科試士于衡由何騰蛟奏請當卽浣松典其事故得
以墨牘屬先生點定浣松四川人故云文昌來自蜀先時
鄉試湖南北皆在武昌此以兵亂開闈衡陽故有次句家
譜云陶孺人葬王衙山參憲劉明遇誌其墓按陶孺人以
丙戌十一月初四日沒則亦作于是年也

船山師友記卷五

八

又按湖南通志職官表十一明遇曾爲衡州推官又爲祁
陽知縣南窗漫記成于晚歲稱爲太史則府志云桂王府
翰林者較確蓮峯志亦譏于丙戌詳下弟
七卷浣松詩已爲編
入則以其爲藩邸僚屬素所推重可知也

金觀察九陞

金九陞全椒舉人崇禎十四年官分巡上湖南道

衡陽縣志
職官表

文集石崖先生傳略云是時觀察全椒金公念吾兄弟貧甚
欲爲治北裝邑有劣而梟者按法當死公屬意令餉吾兄弟
千金浣之其人來懇兄顧問夫之曰何如夫之答曰此固不
可兄喜形於邑曰是吾心也遂峻拒之

正鈞按金公此舉蓋明季風尚如此雖賢者亦習焉不察
宜先生峻拒之也金公事實俟攷

船山師友記卷五

船山師友記第六

湘潭羅正鈞纂

夏孝廉汝弼

夏汝弼字叔直其先祖曰永亨明初授交趾諒江府同知監造糧舟開船塢於臺源因家焉汝弼祖父皆諸生當崇禎時夏氏尤盛何騰蛟奏于衡州試士汝弼以弟五人舉于鄉時變日棘不復求仕性偶儻負勁氣與王夫之兄弟友善流寇陷衡州汝弼居蓮華峰夫之避亂蓋依以獲免云桂王子旣稱尊號保於武岡汝弼閒行衡邵山谷中知其無成顧無以自全遂棄巾服自號蓮冠道人歌哭無恆獨攜一童子囊琴登邵陽梓田山就

船山師友記卷六

一

古木鳴泉閒踞石彈琴或泣或吟或旁遊白石銅梁諸山觀瀑布旁皇山中數日不返返則仍居山樓自炊而食其山臨望官道桂王子常登焉所謂車駕山者也山下有蕭常賡者數相遇知其非常人要之家中留月餘復去自此絕迹矣明亡數十年遺老舊臣佯狂敖遊居衡湘者尤眾或爲沙門或潛伏巖壑衣明衣冠皆莫知其姓字而汝弼以能詩人往往傳之然不能得其里籍其後有編其詩入楚風補者始著爲衡陽人人猶莫能徵也又二百年鄧顯鶴按訪逸民尤有意乎其入殷殷求所謂蓮冠者躬尋車駕山訪問其軼事又得王夫之懷夏叔直詩及李國相晚年亦有哭汝弼詩始知其終隱九疑以餓死云顯鶴

既審知其姓名行迹悲傷其志以爲庶幾聞伯夷之風者而汝
弼子姓今實居臺源爲大族譜牒載其生年世系甚悉至其後
遯迹所在及平生文辭亦不能詳矣汝弼以諸生名動衡湘又
前知二王傾危無一命之祿其居於家當可自安而一往不顧
甘同朽於草莽士果各有其志耶其名若滅若存垂數百年雖
其子孫不能增益於他人所聞知之外尤可哀也舊志傳汝弼
於隱逸而不言其餓死餓與否誠不足爲汝弼輕重然非顯鶴
烏能發其孤衷傳其枯槁憔悴之情乎汝弼三弟曰汝爲汝翼
汝偕並有名諸生中

衡陽縣志

蓮峯志沿革門云宏光元年夏堵公允錫隘之作前字王介

船山師友記卷六

之夏汝弼王夫之實經營之

述病枕憶得云丁亥與亡友夏叔直避購索于上湘借書遣

日益知異志同心搖蕩聲情而檠楮于興觀羣怨

惜餘鬢賦自跋薑齋逸文云丁亥夏做少陵文山作七歌與夏叔

直氏將奔辰沅求義興堵公所在效死至中湘道阻不能往

病枕憶得丁丑年有夏日讀史曳塗居聞松聲懷夏叔直先

生一首七律

嶽餘集甲申年有繇戀響臺眺一奇石而上同夏叔直援石

曲折遂得方址巋然可臺一首五絕曉同叔直出寺拂讀米菊

水所鐫譚友夏嶽記一首五古

病枕憶得丁亥年有淫雨彌月將同叔直取上湘閒道赴行在所不得困車駕山哀歌示叔直一首七古

賸豪壬辰年有重過蓮花峯為夏叔直讀書處一首七律

薑齋詩分體豪辛酉年廣哀詩弟四有夏孝廉汝弼一首注

字叔直己丑避髻甯遠山中幽憤而卒 五古

正鈞按憶得夏日讀史一首隸于丁丑丁丑為崇禎十年

先生時年十九則與叔直締交最早按家世節錄言先君

于後進以文字求點定所鑒別俱為名孝廉有郭季林鳳

躡夏叔直汝弼諸人則叔直嘗受業武夷先生宏光為福

藩所建號賸豪重過蓮花峯詩題云為叔直讀書處證

船山師友記卷六

三

以嶽餘集甲申諸詩則蓮峯當是叔直常居之所此兩年

先生避兵相依故縣志云然也同遊車駕山在丁亥五月

鄧氏所引叔直白石峯記甚明按沅湘耆舊集引夏汝弼白石峯記云歲丁亥月在

午梅雨新霽與王子而農披榛徑登白石峯夫以是峯之特立于羣山之表而其上蒼蒼無窮者且如彼是果有所

謂天也抑無所復名之而姑謂之天也天者果有所憐與則亦宜有所不憐者存何居乎其必憐之荒遠而始以為

大乎則吾未知其定有天焉否也云云鄧氏懸鶴云予既得叔直先生楚風補所載同夕堂遊車駕山一詩復從湘

鄉縣志搜得此文而後先生之志事交遊乃稍稍窺見崖略而先生旋以父疾返衡

世節錄 次年膺難走行闕中閒殆未與叔直相聞而叔直即

以己丑沒也

夏汝為汝弼弟諸生衡陽縣志 夏汝弼傳

衡陽縣志山水第八云承水西流六里過臺源寺東所謂紫霞市也民俗通呼臺源王船山遇夏仲力受絮衣之處集中有詩

嶽餘集有癸未匿嶽寒甚下山訪病兒存沒道中逢夏仲力下竹鼻湄不能語哀我無衣授之以絮歸山有詠一首五律

正鈞按劉氏毓崧云蓮峯志卷三稿本有同邑夏汝爲仲力訂之語則汝爲字仲力也

文明經之勇

文之勇字小勇衡陽人明季恩貢生丁亥藍山遇寇死分體臺廣哀詩

注

船山師友記卷六

四

南窗漫記云亡友文之勇小勇有句云人誰從問字風不可開門于江西派體中自居勝地而其荒涼寒苦之狀簡傲絕俗之致亦槩可見矣小勇所居僦郊外一破屋每旦待糴而炊而長日一卷嘯歌自如斯人亡後戚戚憂貧未壯而氣衰者成乎風俗不復知此風味矣

病枕憶得己卯年有匡社初集呈郭季林管冶仲文小勇一

首五律

壬午年有朱亭晴寒寄小勇一首五古

薑齋詩分體臺辛酉年廣哀詩第二有文明經之勇一首自注

上見

正鈞按柳岸吟齋睡弟四首有云爲報泉臺舊知己儂非

劉向與楊雄自注亡友文小勇以二子相獎廣哀詩有云
波光閉寒帷論藝終長宵握交亦有始耦俱立清標又有
云所恨委荒草未能生蕙蘿商音既中絕朱絃誰共調可
想交誼之厚五十自定稟甲午再哭郭季林詩題云追悼
文小勇匡社舊游則當日立社似小勇主其事丁亥爲順
治三年先生早歲同里友朋惟小勇之沒最早也

歐陽文學惺

歐陽惺字叔敬衡陽諸生丙申溺湘死

薑齋分體稟
廣哀詩注

病枕憶得甲申年有東安得歐陽叔敬弟詩見憶賦答一首

古五

船山師友記卷六

五

五十自定稟丙申年有哭歐陽三弟叔敬沈湘六首

絕七

薑齋詩分體稟辛酉廣哀詩第九有歐陽文學惺一首

自注
于子

爲中表弟少子二
歲餘見上 五古

正鈞按廣哀詩注云于子爲中表弟攷家世節錄云先太

孺人姓譚氏外王母歐陽太君歐陽太君生元素公炳舉

于鄉官郡丞證以叔敬詩第五首有岸谷消沈羊叔子推

恩無分到中郎之語則叔敬爲母黨之戚無疑稱之爲弟

應是元素諸孫行丙申爲順治十三年先生年三十八歲

詩注云少子二歲則叔敬沒時年三十有六常甯縣志流

寓傳云王而農先生甲午移居常甯丁酉返南嶽而五十

自定藁丙申年有重登雙髻峯一詩則是年先生當暫一至衡而因以哭叔敬也

郭孝廉鳳躑

郭鳳躑字季林一作季陵衡陽人中崇禎壬午鄉舉人亂後隱居石獅嶺下竹塢藥欄日吟嘯其中以自娛有涉園集不傳沅

耆舊集

小傳

南窗漫記云豈非天下士所重世間名令我南原上長吟憶

耦耕此季林見懷詩也余度嶺孤心雖未能見諒然季林自率其退靜之情殷勤以相規正固自不忍忘之自注季林名鳳躑

又云郭季林有涉園草一帙竟陵體也其有意致者良自

船山師友記卷六

六

灑然

病枕憶得庚辰年有月下步春溪徑抵金錢衝訪季林因與

小飲一首七絕

五十自定藁辛卯年有過涉園問季林疾遣作早梅詩四首

七絕 甲午年有再哭季林兼悼小勇匡社舊遊一首五律

正鈞按家世節錄季林亦嘗受業武夷先生詳下何一憶琦傳後 己卯年匡社初集詩題有呈郭季林之語詳上文小勇傳後 故

哭季林詩尙追念及之先生辛卯由粵返楚而季林已疾

觀甲午一詩題云再哭季林蓋沒于癸巳也年譜劉氏毓

崧云據南窗漫記所言此詩當作于先生度嶺之歲度嶺

有兩次所謂退靜之情殷勤規正于受職之時較合

李孝廉跨鼇

李跨鼇字一超衡陽人父早世十五成諸生經世亂奉母避祁邵山中時大饑變姓名爲人傭耕以給養母病日集方書親治醫藥尋還衡長樂鄉結茅髻山之麓旦夕衣冠侍母足不及五里外舍旁築室經丈子夜燃松脂讀書聲朗朗徹山外雪夜月夕獨攜方竹杖登髻山頂倏哭倏歌人目爲狂年四十卒無嗣臨終盡燬所著詩文惟作書貽友人以母相屬云

衡陽縣志

五十自定稟乙未年有哭李一超一首

律五

丁未年有故

孝廉李一超以懷貞窮愁死不及有嗣息元配林孺人掖咿

船山師友記卷六

七

太孺人于痺病中十四年不舍榻右猝邁危疾臨終悲咽以不得躬親大事爲憾啼聲未絕而逝余于一超不淺視道路感泣者自逾涯量裁二詩以將哀尤爲太孺人愍悼焉二首

律五

薑齋詩分體稟辛酉年廣哀詩弟八有李孝廉跨鼇一首

衡陽

舉人避髻山中乙未沒 五古

正鈞按衡陽縣志列女有李跨鼇妻傳則跨鼇係衡陽人

哀林孺人詩及廣哀詩題均稱爲孝廉而攷衡陽新舊志

選舉表并無之一超蓋亦得舉于丙戌也按廣哀詩有云

昔從嶺海歸未知慈日隕感君獨雪涕慰勉相援引

按譚太孺

人以庚寅八月沒先生行狀云
聞母病間道歸衡至則母已沒
又云君本酒人雄飛揚
越規準折節從幽棲嶮岼全元賢據此則一超之風節其
與先生之交誼俱可想見矣

何孝廉一琦

何孝廉字偉孫衡陽舉人

家世節錄

家世節錄云先君晚歲端居屏人事里社後進閒因夫之兄
弟以文字求點定時際欣適亦爲論次如郭季林鳳驪夏叔
直汝弼何偉孫一琦皆所鑒別俱爲名孝廉會喪亂不得竟
其用

正鈞按衡陽縣志明代選舉表注云傳書有何一琦云舊

船山師友記卷六

八

鈔科分失攷今詳節錄列于夏叔直之後偉孫得舉蓋亦
甲申以後榜也節錄注永歷十二年季秋月述是時季林
叔直皆已前沒云會喪亂不得竟其用則偉孫明亡後應
亦隱居或早逝也

熊渭公霏

熊霏字渭公黃岡人移居武昌嗜古學尤喜邵子皇極書頗言
未來事十六年元旦盡以所撰性理格言圖書懸象大易參諸
書付其季弟曰善藏之城破前一日貽書馮雲路言明日當覓
我某樹下及期行樹旁賊追至躍入荷池以死

明史忠義傳

南窗漫記云壬午初秋黃岡王又沂源曾熊渭川霏會同人

于黃鶴樓與者百人各拈韻賦詩渭公作四言詩末章云試望木末好花翩翩清明佳氣勃發楹前渭公以禪制不與秋試爲同人祝也命意不落凡近清明者豈科名足以當之渭公篤志正學有與李文孫論格致書破姚江之僻爲余序詩以眉山淮海爲戒箴緯恤一帙皆四言也有云帝命元老黃屋左纛黃屋左纛命之莫保以追刺武陵相荆襄債事而死也

病枕憶得述云昔在癸未春有乾濤園初刻亡友熊渭公爲序之亂後失其鈔本

病枕憶得壬午年有黃鶴樓大集用熊渭公韻一首

四言

船山師友記卷六

九

薑齋詩分體彙辛酉年廣哀詩第一有熊文學甫一首

自注字渭

公黃岡人癸未武昌陷赴通山王蓮池死五古

正鈞按先生壬午赴計偕自衡陽至南昌明年以道阻由

南昌返衡未嘗復至武昌而渭公亦卽以是年殉節乾濤園詩蓋刻在癸未而渭公序實作于上年也

又按先生早歲外間會文之友莫著于渭公廣哀詩有云勿用學秦觀眉山同汨沒生死四十秋奉此爲津筏先生

生平力排蘇氏之學其淵源蓋有自矣

李雲田以默

李以篤字雲田別號老蕩子湖廣漢陽人性骯髒坦率嗜讀書

九經諸子百家縱橫案間爲文多奇情異趣不屑科舉業郝煥
元督楚學謂人曰吾按視十五郡無右李生者入成均輦下諸
名流爭招致而意落落也天崇間竟陵鍾譚之說行幽微僻澀
天下嚮風以篤獨超然謝去其不隨流俗俯仰如此惜僅以詩
鳴箸有菜根堂醉白堂集王氏士禎感舊集補傳 湖北詩人徵略

夕堂永日緒論外編云因憶昔與黃岡熊渭公需李雲田以
默作一種文字不犯一時下圓熟語復不生入古人字句取
精煉液以靜光達微言所業未竟而天傾文喪生死契闊念
及祇爲哽塞

正鈞按感舊集補傳作以篤當是雲田後所更名雲田係
船山師友記卷六

漢陽人亦見廖氏楚詩紀徐電發續本事詩云雲田才高
淪落龔芝麓爲賦老蕩子行吳梅邨集亦有老蕩子失意
行贈李雲田緒論外編與渭公均屬諸黃岡蓋傳寫者脫
去漢陽二字也

王又沂源曾朱靜源 熊南吉

王源曾字又沂黃岡人南窗漫記

正鈞按黃鶴樓之集據南窗漫記實又沂泉熊渭公主之
病枕憶得壬午有舟發武昌留別熊渭公王又沂李雲田
朱靜源熊南吉七律一首靜源南吉爵里均俟攷南吉或
是渭公宗人皆爾時會文之友也

又按劉氏毓崧云按先生與熊渭公李雲田相識未知年分壬午秋渭公會同人于黃鶴樓先生亦在座然未必是時初識面也熊渭公與雲田皆湖北人距衡陽頗遠是時湖南北統稱湖廣未經分省鄉試皆在武昌疑鄉試時武昌相晤今按先生年十四入學至壬午舉于鄉十年之中更四次鄉試其間自應往試武昌

按中間往武昌應試無明文惟憶得丙子年有

黃鶴磯五律一首

則與諸人交接必非初識于壬午可知

劉行人自煜

劉友光原名自煜字杜三攸縣人前明丙子舉人入國朝爲

沙河知縣陞行人未赴卒著有西遊草南北行吟把茅外紀終

船山師友記卷六

風胥鈔南園襍述香山草堂正續集

沅湘耆舊集小傳

南窗漫記云劉杜三自煜雖自託于竟陵而不全墮彼法往

往有深秀之句其將入閩應召徑衡有夜宿前溪

去郡二十里見

寄詩飄零吾久矣離亂欲何之愁絕遙天碧衰餘斫地時南音同在耳西爽獨支頤相見情無限何能盡所思固自惻惻警人不昧

又云杜三後寄余山中詩亦足增人愴然之

之懷病鶴無枝帶箭飛經年蕪穢惜漁磯繞牀行腳同香飯

哀筑當筵仍故衣築室喜聞名士竝望門眞被酒傭非一蛇

霧隱南天遠綿上何人問割腓

說文廣義云攸縣劉杜三自煜作畫自題曰設本周禮設色

字較爲雅當

病枕憶得壬午年有劉杜三馳書見訊以歌者秋影見屬答之一首

七絕

乙酉年有劉杜三將至于前溪渡題畫扇見

寄賦答一首

五律

正鈞按憶得賦答前溪見寄一詩隸于乙酉則杜三赴閩應召正唐王稱號隆武之元年詳桐城錢澄之所知錄云攸縣舉人劉自□爲督師何騰蛟齎奏至行在騰蛟力薦其才召對稱旨特授檢討以爲騰蛟德也詞林中乙榜惟劉自□一人而已當卽自煜無疑其寄山中詩末二句用介之推事應在先生從王歸未久據章靈賦注及自定橐

船山師友記卷六

三

各詩辛卯以後三數年先生託迹常在祁邵間其與相往還著見者有劉惟贊鄒統魯羅從義諸人

詳下弟八卷

詩中所

言名士必不出此數君也

又按友三詩淒切婉秀耆舊集錄至一百三十首一時故臣遺老多有酬贈之作中有鄧阜山七律一首云疊級開雲谷漸深窮援到此想投林龍麟洞下松間雨鶴步涼追竹裏音丹竈可延亡命客黃冠難遂故園心彩雲南望銷魂盡留得餘生學醉吟鄧氏顯鶴云按山在茶陵東八十里讀此詩知杜三之不能不出山也然其言亦可哀矣

包孝廉世美

包世美字乃蔚衡陽人父友榮母鍾氏以孝姑稱世美中崇禎

壬午舉人

沅湘耆舊集小傳
衡陽縣志列女

正鈞按衡陽新志郭鳳颺傳云壬午衡陽舉者七人而得

六節士

按七人先生昆弟外爲李國相管嗣裘鄒統魯唯
郭鳳颺包世美國相以下四人均見遺書中

包世美無所見今攷鄧氏沅湘耆舊集凡例列湖以南詩

人有云以及船山諸友下注云洪業嘉劉惟贊管嗣裘包

世美諸人按鄧氏所言必非無據所選乃蔚長樂山居一

詩詩云炎蒸向晚歇寂坐倚檐楹風覺意先解月當郵忽
明瓜陰涼展葉禾氣水疏莖近覺山居好聊娛物外情

亦清潔可想見其人則與先生同年同邑必相友善也

